



# **Te Whakamāmā i te Kāwanatanga ā-Rohe**

## **He kaupapa marohi hukihuki**

Te whakarite kia māmā ake, kia mārāma ake, kia  
ngāwari te utu te kāwanatanga ā-rohe mō ngā  
tāngata katoa o Aotearoa-

---

Noema 2025

*E whakarāpopoto ana tēnei tuhinga i te kaupapa marohi hukihuki  
hei kōrerorerotanga mā te iwi whānui. Ehara tēnei i te kaupapahere  
a te Kāwanatanga.*

## **He kōrero mō tēnei tuhinga**

E whakatakoto ana tēnei tuhinga i te kaupapa marohi hukihuki mō te Whakamāmā i te Kāwanatanga ā-Rohe. Ka whakatauhia te take mō te kaupapa marohi hukihuki whai muri i te kōrerorero tahi ki te iwi whānui. Kei te paetukutuku a Te Tari Taiwhenua ētahi mōhiohio atu anō mō tēnei kaupapa marohi hukihuki: [www.dia.govt.nz/simplifying-local-government](http://www.dia.govt.nz/simplifying-local-government). Ka taea e koe te whakapā atu ki te rōpū o Te Whakamāmā i te Kāwanatanga ā-Rohe mā te īmēra i [simplifyinglocalgovernment@dia.govt.nz](mailto:simplifyinglocalgovernment@dia.govt.nz).

Ka kitea ngā huringa ki tēnei tuhinga i te Āpitihanga D.

## **© Manatārua Karauna**

Ko ngā kōrero kei roto i tēnei tuhinga kei raro i te maru manatārua o te Karauna engari ia mēnā he kōrero kē. Ka taea ngā kōrero kei raro i te maru manatārua o te Karauna te whakaputa anō mō te koreutu ahakoa te takotoranga, pāpāho rānei me te kore e whai whakaaetanga tauwhāiti. Kei raro tēnei i ngā kōrero e whakaputaina tikahia, ā, kāore i te kino te whakamahī, te whakakotiti rānei i te horopaki. Mēnā kei te whakaputaina ngā kōrero, ka tukuna ki ētahi atu rānei, me whakahua nā wai te kōrero me te tūnga manatārua. Kāore e taka atu te whakaaetanga ki te whakaputa anō i ngā kōrero e whakamarutia ana e te manatārua Karauna ki ngā kōrero kei tēnei tuhinga kei raro i te manatārua o tētahi atu kē. Me whai whakamanatanga ki te whakaputa anō i aua kōrero mai i ngā kaupuri manatārua.

## Kupu whakapuaki a te Minita

He mea nui te kāwanatanga ā-rohe. He whakaawe i ngā wāhi e noho ana tātou, ngā ratonga o te rohe e whakawhirinaki ana tātou me te whakatau take e whai pānga ana ki a tātou i ia rā. Engari kāore i te tino mahi tōtika te pūnaha nei ki tērā e hiahiatia ana. Ehara i te mea me whiwhi pūrongo anō tātou, he arotake rānei hei tohutohu i a tātou me panoni te kāwanatanga ā-rohe.

Ko te tikanga me hāpai te kāwanatanga ā-rohe i ngā hapori, kua te whakarangirua. Engari, i tēnei wā, kei te noho raru te pūnaha i te tāruatanga, i ngā tohetohe, me ngā whakatau kāore i te mārama. Koinā pea te take neke atu i te haurua o ngāi Aotearoa kaore i te pōti i ngā pōtitanga ā-rohe.

Arā te kaunihera i whakapau i ngā moni mano tini ki te whakahē i tētahi whanaketanga hanga whare i runga i te pōhēhē he wāhi reporepo i reira, ā. kāore he repo i reira. Te rohe rānei e whai tūranga kaitiaki pāka ana ngā kaunihera rerekē me te Karauna ki te mahi i ngā mahi ōrite. Te kaiwhakawhanake rānei i mate ki te whai whakaaetanga mai i ngā kaunihera rerekē e rua mō te kaupapa kotahi, ā, he rerekē ngā ture a tēnā, a tēnā, me ngā utu rerekē me ngā rārangi wā rerekē.

Ehara i tēnei i te ngoikore anake – he moumou wā, moni me te ngaro o te pono ki ngā kaiutu reiti.

Kei te marohi mātou kia whakatikahia. I raro i tēnei mahere, ka whakakapia ngā māngai kaunihera ā-rohe e tētahi rōpū mana whakahaere hou. Ko tā mātou tauira e hiahiatia ana ko tētahi Poari Takiwā Tōpū: he kāhui kahika e tino matatau ana ki ō rātou hapori, e taea hoki te mahi ngātahi hei whakatau take mō te rohe. He mahi tōtika tēnei e kaupare atu i ngā whakapōreatanga e mārama ake ai te ārahi. Tērā ētahi huarahi atu anō mō te mana whakahaere ā-rohe i roto i tēnei tuhinga, e ai ki te tauira Kaikōmihana Karauna, heoi he pāpaku te whai reo.

Engari ko te panonitanga nui ka puta i ngā mahere whakatikatika ā-rohe.

Ka mate ia rohe ki te waihanga i tētahi mahere e whakatakoto ana me pēhea te mahi tahi a ngā kaunihera kia tōtika ake, kia kakama ake hoki te tuku ratonga. Ka whakaata ēnei mahere i ngā hiahia o te rohe, ka whai i ngā whakaaro o te hapori, me te ū ki ngā paerewa ā-motu mārama. Ka āta tiro tiro ēnei ki ngā mea katoa mai i ngā ratonga tiritiri ki ngā whakahou i te hanganga, ā, ka noho koinā te tūāpapa mō te whakatau take ā muri ake me pēhea te whakanahanaha i te kāwanatanga ā-rohe.

Ehara tēnei i te whakataui i te aronga kotahi mō ngā mea katoa. He anga tēnei mō ngā rohe ki te waihanga anō i te āhuatanga e tika ana ki a rātou, e tino mārama ai me pai ake te hua i tērā e kitea ana i ēnei rā.

Kei te hiahia mātou i ō whakaaro mō tēnei kaupapa marohi. Ahakoa e tautokona ana, e whakahētia rānei e koe, he whakaaro rānei ōu hei whakapai ake, ka āwhina ō whakaaro ki te whakaawe i ngā whakataui whakamutunga.



A handwritten signature in blue ink, appearing to read 'Chris Bishop'.

Hon Chris Bishop

**Minister Responsible for RMA Reform**



A handwritten signature in blue ink, appearing to read 'S. Watts'.

Hon Simon Watts

**Minister of Local Government**

## Kei te hiahia mātou i ō whakaaro

Kei te hiahia te Kāwanatanga i ō whakaaro mō te kaupapa marohi hei whakamāmā ake i te kāwanatanga ā-rohe. E whakamārama ana tēnei tuhinga i ngā āhuatanga ka pā mai ki te whakaaetia te mahere.

Arā, e whakatakoto ana te Kāwanatanga i tana take ki te whakakapi i ngā māngai kaunihera ā-rohe ki tētahi poari kahika ka mahi tahi ki te whakarite i ngā take ā-rohe. Ko tā tēnei poari hou me whakaatu me pēhea e tōtika ake ai, e kakama ake ai te whakarato i ngā ratonga a ngā kaunihera i ngā rohe i raro i tētahi mahere whakatikatika ā-rohe. Ka whiriwhiria e te Kāwanatanga ēnei mahere. Kei te hiahia hoki mātou i ō whakaaro mō ngā kōwhiringa wā poto kē mō te mana whakahaere ā-rohe, tae atu ki ērā e whai wāhanga nui ake te Kāwanatanga.

Ko te tikanga tino rawa hei whakaputa i ō whakaaro ki a mātou me te tuku kōrero mai mō tēnei kaupapa marohi mā tā mātou [paetukutuku](#). Ka taea e koe te whakakī te patapatai, te tukuatu rānei i tāu ake tāpaetanga kōrero ā-tuhi. E tūtohu ana mātou kia whakamahia te patapatai kia mātua kapi ai i tō tāpaetanga kōrero ngā mea katoa. Kei a koe te tikanga mō te whakautu i te maha, te iti rānei o ngā pātai e hiahia ana koe.

Hei timata me haere ki: <https://consultations.digital.govt.nz/simplifying-local-government/proposal>

me whakamahi rānei i tēnei waehere QR:

Ka āwhina ō whakaaro i te Kāwanatanga ki te whiriwhiri i ngā whakapaitanga ki te kaupapa marohi i mua i tana tuku i ana whakataunga whakamutunga.



## Ngā mea me mōhio koe i mua i tō tuku i tētahi tāpaetanga kōrero

---

I mua i tō tuku i ō whakaaro, me mōhio mai koe:

- **Ka arotakengia e ngā kaimahi a Te Tari Taiwhenua ngā tāpaetanga kōrero mā ngā utauta matihiko, ā, tērā pea ko te whakamahi hoki i te atamai hangahanga.** Ka āwhina te hangarau i a mātou kia tere ake te wherawhera i ngā tāpaetanga kōrero me te tautuhi i ngā take e māharahara nei te tangata. He tere ake, ā, he iti ake te whakapau moni.

- **Ka whakaputaina pea e mātou tō tāpaetanga kōrero, ka tukuna pea i raro i te Ture Mōhiohio Ōkawa 1982.** Mēnā he kōrero kei roto i tō tāpaetanga kōrero kāore koe i te hiahia kia whakaaturia, me āta whakamārama i tēnei.
- **E whakahaere ana te Ture Matatapu 2020** i te āhua o te kohikohi me te whakamahi a te Tari i ngā mōhiohio whaiaro mōu me tō tāpaetanga kōrero. E āhei ana koe ki te uru atu me te whakatika i ngā mōhiohio whaiaro.

# Whakarāpopoto

## He aha e marohitia ana?

E rua ngā kaunihera o te nuinga o ngā wāhi i Niu Tireni – he kaunihera a rohe, he kaunihera tāone nui, takiwā rānei (ka kīia i ētahi wā he 'territorial authorities'). He māngai kaunihera motuhake ō tēnā me tēnā ka pōtihia, ā, ka whakahaerehia e rātou ngā mea rerekē (engari he āhua ōrite i te nuinga o te wā).

11 ngā kaunihera ā-rohe e whakahaere ana i ngā ratonga pērā i te whakahaere taiao, te whakamahere tūnuku ā-rohe, me te whakamaru ohotata. E 67 ngā kaunihera tāone nui, ā-takiwā rānei e whakahaere ana i ngā ratonga pērā i ngā rori, te wai, te tūāhanga, te kohi para, ngā whare pukapuka, ngā pāka, me te whakamahere i te whakamahi whenua. E 6 ngā 'kaunihera whakatōpū' e whakakotahi ana i aua mahi e rua.

E marohi ana te Kāwanatanga kia whakamāmātia te kāwanatanga ā-rohe mā ngā upane e rua:

- **Upane 1:** Tē pōti ai i ngā māngai kaunihera ā-rohe wehe kē, ka riro mā ngā kahika i pōtihia e koe e ārahi ngātahi i ngā take ā-rohe me te whakahaere i te kaunihera ā-rohe. Kei te hiahia hoki mātou i ō whakaaro mō te tohu i ngā Kaikōmihana Karauna (ka tohua e te Kāwanatanga) hei ārahi, hei whakauru atu rānei ki te poari.
- **Upane 2:** Ka hangaia e te poari kahika ngā mahere ā-anamata me pēhea e tōtika ake ai, e kakama ake ai te mahi tahi a ngā kaunihera o tō rohe. Ka hangaia ēnei mahere mā te kōrerorero tahi ki a koe, ka āta tiroirohia motuhakehia, ā, ka whakaaetia e te Kāwanatanga.

## He aha te poari takiwā tōpū?

Ko te poari takiwā tōpū (CTB) te ingoa mō te poari māna e whakarite i ngā take ā-rohe me te whakahaere i tō kaunihera ā-rohe. Ka utua te CTB e ngā reiti e utua ana e koe.

## He aha ake ngā mahi a te CTB?

Ka noho ko te CTB te mana whakahaere mō ngā tūranga me ngā mahi a ngā kaunihera ā-rohe, pērā i te:

- whakahaere i ngā awa, ngā roto, te takiwā moana, me te kounga hau
- whakatinana i ngā kawenga whakataunga Tiriti e whakahaerehia ana e ngā kaunihera ā-rohe
- whakahaere i ngā rawa
- whakamahere tūnuku ā-rohe

- whakahaere i te whakamaru ohotata
- whakahaere i ngā ture taiao me te whakahaere rawa.

### **Ka pēhea te whakatau take a te CTB?**

Ka wāhanga hira tō ngā CTB mō te whakatau take mō te āhua o te whakahaere i tō rohe. Kia taea ai tēnei, ka auau te hui a ngā CTB, pērā tonu i ngā kaunihera tāone nui / ā-takiwā i tēnei wā.

Ina whakatau take, ka whai ia kahika i ētahi pōti ake. Ka ahū mai te maha o ngā pōti i te nui o te taupori, ā, ka whakatikahia hei whakarite ka whai reo tōtika ngā hapori iti ake. Mā te Mana Kāwanatanga ā-Rohe motuhake ēnei whakatikatika.

Me mātua ū ngā whakatau a ngā CTB ki aua ture anō kei raro ngā kaunihera ā-rohe i tēnei wā, tae atu ki te kōrerorero tahi ki ngā hapori me te whiriwhiri i ngā pānga taiao.

### **He aha ngā kōwhiringa kē atu?**

Ahakoia te CTB o ngā kahika te mea e manakohia ana e mātou, kei te whakaaroarohia e mātou ētahi atu kōwhiringa mō te whakaraupapa i te whakatau take ā-rohe i te wā poto. Hei whakarite ka whai kiko te pūnaha, kei te rapua e mātou ō whakaaro mō ngā kōwhiringa kē atu e kaha ake ai te tūranga o te Karauna i roto. E 3 ngā kōwhiringa mō tētahi Kaikōmihana Karauna ki te CTB:

- **Kaitirotiro anake:** Kāore he pōti a te Kaikōmihana Karauna
- **Mana aukati:** Kei te Kaikōmihana Karauna te mana ki te aukati i ngā whakatau a te CTB
- **Te nuinga o ngā pōti:** Neke atu i te haurua ngā pōti a te Kaikōmihana Karauna i te CTB, ā, ka tohaina te toenga o ngā pōti ki ngā kahika.

Ko tētahi atu kōwhiringa kia kaua he CTB, ā, ka tohua ko ngā Kaikōmihana Karauna (ka tohua e te Kāwanatanga kaua ko ngā māngai ka pōtihia) hei ārahi i ngā kaunihera ā-rohe mā te mahere whakatikatika ā-rohe (kei raro ngā kōrero).

### **Ka pēhea te whakataurite a te CTB i ngā pānga tāone me te tuawhenua?**

I tēnei wā, e herea ana ngā kaunihera ā-rohe e te ture kia mahi mō te painga o te katoa o tōna rohe, mō tētahi wāhanga nui rānei. Tē taea ngā whakatau mō te pānga o tētahi takiwā kotahi anake. Ka whiti atu tēnei herenga ā-ture ki te CTB (ngā Kaikōmihana Karauna rānei).

I raro i te taura CTB, ka whai wāhi tonu mai ētahi atu tari ki te taumata ā-rohe ina tika ana.

Hei tauira, ehara ko te kaunihera ā-rohe anake i roto i te whakamahere tūnuku ā-rohe. Kei roto anō ngā kaunihera tāone nui, ā-takiwā hoki, me Waka Kotahi. Mā tēnei ka noho tautika ngā pānga o te tāone, te tuawhenua me te motu.

Kei te whakatakotohia anō he tauira ōrite mō te pūnaha whakahaere rawa kia noho tautika ai i waenga i ngā pānga tāone, tuawhenua me te motu. Kei roto ngā whakamārama o tēnei kaupapa i tēnei tuhinga.

### **He aha e whakarerekēhia ai?**

He mea nui te manapori ā-rohe, engari he maha ngā tāngata kāore i te pōti i roto i ngā pōtitanga ā-rohe, kāore i te mārama rānei ki te rerekētanga i waenga i ngā kaunihera ā-rohe me ngā kaunihera tāone nui, ā-takiwā rānei.

Ka whakamāmā ngā CTB i te mana whakahaere mā te whakatōpū i te mana whakatau ki ngā kahika. Ka whakaiti tēnei i te tāruatanga (kotahi anake ngā māngai kaunihera) me te whakarite kei te noho ōrite ngā whakatau o te rohe ki ngā kaunihera katoa. E mārama ana te noho here ki te iwi whānui mā te CTB mō te whakarato i ngā ratonga ā-rohe. Mēnā ka tohua ngā Kaikōmihana Karauna, ka ōrite ō rātou haepapa ki ō ngā māngai kaunihera onāiane.

### **Ka noho tūturu ngā CTB?**

Ka hangaia e tēnā, e tēnā CTB tētahi mahere whakatikatika ā-rohe i roto i te rua o te whakatūtanga. Kei roto i ngā mahere whakatikatika ā-rohe i ngā ara anamata e tōtika ake, e kakama ake hoki te whakarato i ngā ratonga kaunihera. E ai ki te rohe, ka puritia pea te CTB, ka whakamoea, ka huria rānei mā ēnei mahere. Mēnā ka tohua ngā Kaikōmihana Karauna ka mana rātou kia whakaaetia rā anōtia he mahere whakatikatika ā-rohe.

Me whakaata ēnei mahere me te whakauru mai i te wairua me ngā whakaaro o te hapori. Arā ka:

- whakatakoto i ngā mahi kaunihera katoa o te rohe
- tūtohu i te tauira whakarato pai rawa mō tēnā, mō tēnā puta noa i te rohe (hei tauira, ngā ratonga tiritiri, ngā kamupene a te kaunihera, ngā whakakotahitanga rānei)
- herea kia kōrerorero tahi ki ngā hapori, ngā iwi, ngā hapū, te Māori me te hunga whai pānga o te rohe
- whakaaetia e te Minita Kāwanatanga ā-Rohe mēnā ka ū ki ngā paearu ā-ture (kaua mā te tāpaetanga pōti).

Ko te whāinga o ngā mahere whakatikatika ā-rohe ko te waihanga i tētahi ara pai ake mō te whakarato ratonga a ō kaunihera ki a koe. Ka whakaitia e ngā mahere te tāruatanga, ka kakama ake te mahi, ā, ka urupare hoki ki ngā hiahia o te rohe.

Hei tautoko i tēnei, mā tētahi arotake a te Kāwanatanga i ngā tūranga me ngā mahi a te kaunihera ā-rohe ka mārama ake ko ēhea ngā haepapa ka noho tonu, ka riro mā te Kāwanatanga, ā, me ērā me whakakore. Ka whakaotihia tēnei arotake i mua i te whakatūtanga o ngā CTB, ka mutu me whai whakaaro ngā CTB ki ngā putanga mai i tēnei arotake ina waihanga ana i ā rātou mahere.

Ko ngā wāhi kāore he kaunihera ā-rohe motuhake ka āhei ki te mahi mahere whakatikatika ā-rohe, engari ehara i te mea e herea ana rātou. Ko aua kaunihera ko Chatham Islands Council, Gisborne District Council, Marlborough District Council, Nelson City Council me Tasman District Council.

He motuhake te whakatū a Auckland Council ki ētahi atu kaunihera nō reira kāore e taea te waihanga i tētahi mahere whakatikatika ā-rohe.

### **He aha te tikanga o tēnei ki ahau?**

Mēnā ka whakatinanahia tēnei kaupapa marohi, ko te mea rerekē ka kitea i te whakamanatanga ka noho ko tō kahika tō māngai i te rohe - kua te whai i ngā māngai kaunihera ā-rohe motuhake hei māngai mōu. Mēnā ka tohua ngā Kaikōmihana Karauna, ka rātou hei māngai mōu i te rohe mō te wā poto kia oti rā anō te mahere whakatikatika ā-rohe.

Ka haere tonu ngā mahi katoa kia oti rā anō i tō kahika me tō CTB te hanga i te mahere whakatikatika ā-rohe me te kōrerorero atu ki a koe. Me tuku atu te mahere ki te Minita Kāwanatanga ā-Rohe i roto i te rua tau o te whakatūtanga o te CTB kia whakaaetia. Kāore he huringa mō Auckland Council. Ka āhei ētahi atu whakamana te kōwhiri mēnā kei te hiahia rātou ki te mahi i tētahi mahere whakatikatika ā-rohe.

Nō reira, ka haere tonu ngā mahi a ngā kaunihera ā-rohe. Hei tauira:

- Ka noho tonu ngā whakaritenga kōrerorero tahi ki te iwi whānui i raro i te Ture Kāwanatanga ā-Rohe 2002
- kāore e rerekē ake ngā mahi i raro i te Resource Management Act 1991 (kia whakakapia rā anōtia te Ture)
- ka haere tonu ngā mahi a ngā rōpū hunga whaipānga, ngā komiti tohutohu me ngā komiti ngātahi
- Kāore he rerekētanga ki ngā herenga, ngā whakaritenga me ngā here o ngā whakataunga Tiriti.

### **Me pēhea e puta ai ōku whakaaro?**

Me tuku tāpaetanga kōrero ki tā mātou paetukutuku i mua o te 20 o Pēpuere 2026.

## Ki hea ahau tiki mōhiohio atu anō?

Kei te roanga atu o tēnei tuhinga ko ngā taipitopito atu anō mō tēnei kaupapa marohi. E whā ōna wāhanga:

- **Wāhanga A:** ko ngā whakamārama
- **Wāhanga B:** ko ngā kōrero ka pēhea te whakamāmā i te kāwanatanga ā-rohe (tae atu ki ngā whakatau take mō ngā pūnaha pērā i te tūnuku me te whakahaere rawa)
- **Wāhanga C:** ko ngā kōrero ka pēhea te whakapai ake i te kāwanatanga ā-rohe
- **Wāhanga D:** ko ngā kōrero mō te pānga o ngā kaupapa marohi ki te whai kanohitanga o te Māori.

# Wāhanga A: He whakamārama

## He aha te kāwanatanga ā-rohe?

E 78 ngā kaunihera onāiane i o Niu Tirenī. E **rua ngā pūnaha kāwanatanga ā-rohe kei te inaki me ngā momo kaunihera rerekē e rua**. Ko tētahi ko te kaunihera ā-rohe, ā, ko tētahi atu ko te 'mana kaunihera' – e mōhiotia ana ko ngā kaunihera tāone nui, ā-takiwā rānei.

### 11 Ngā Kaunihera ā-Rohe

E aro ana ngā kaunihera ā-rohe ki te whakahaere i te taiao whānui me te whakahaere rawa puta noa i ō rātou rohe.

**Ngā Haepapa Matua:**

- Tūnuku Whenua:** Te whakamahere me te tuku pūtea mō te tūnuku tūmatanui me ngā whatunga rori ā-rohe.
- Haumarukoiora me te Patu Kīrea:** Te patu i ngā momo urutomo me te tiaki i ngā pūnaha hauropi tūturu.
- Te Rākau Whakamarumarū:** Te whakahere ohotata me te takatū mō ngā aituā.
- Whakahaere Taiao:** Te tiaki i te mauri o te wai, te whakahaere waipuke, me te parahanga hau.

**Arotahi Matua: Te Taiao**

Kei runga kē i ngā Kaunihera ā-Rohe te haepapa mō te whakahaere i ngā rawa māori pērā i te wai, te hau, me ngā takutai, e whakatakoto ana i te rautaki wā roa mō te taiao o te rohe.

### 67 Ngā Mana ā-Takiwā

Ka whakahaerehia e ngā mana ā-takiwā ngā ratonga me ngā tūāhanga o ia rā i ngā tāone nui me ngā takiwā.

**Ngā Haepapa Matua:**

- Tūāhanga Hapori:** Te whakahaere i ngā rori, ngā ara hīkoi, ngā wai para, me te putunga wai.
- Ngā Ratonga Hapori:** Te kōhi para, ngā pāka, whare pukapuka, hōpua kaukau, me ngā pokapū hapori.
- Ngā Mahi ā-Ture:** Te whakaaetanga hangatanga, te whakahaere rawa me ngā ture ā-rohe.

**Wāwāhitanga mā te Momo:**

<b>13</b> Ngā Kaunihera Tāone Nui	<b>54</b> Ngā Kaunihera Takiwā
--------------------------------------	-----------------------------------

### 6 Ngā Kaunihera Whakatōpū

Ka whakakotahitia e Ngā Kaunihera Whakatōpū ngā mana katoa o te **Kaunihera ā-Rohe** me te **Mana ā-Takiwā**, kei konei katoa te mana whakahaere mō te rohe.

**He Whakaritenga Ahurei: Auckland Council**

Ko Auckland Council tētahi o ngā kaunihera whakatōpū e 6, engari he mea ahurei, e whakahaere ana i raro i te mana whakahaere o tētahi '**tāone nunui**' kotahi mō te rohe katoa o Tāmaki Makaurau.

Ko ērā atu o ngā kaunihera whakatōpū e 5 ko: Gisborne District Council, Nelson City Council, Marlborough District Council, Tasman District Council, me Chatham Islands Council.

Kua whakakotahitia ngā kaunihera i ētahi wāhi ki tētahi 'kaunihera whakatōpū' kotahi, arā ko Auckland Council, Chatham Islands Council, Gisborne District Council, Marlborough District Council, Nelson City Council me Tasman District Council.

**E arahina ana ngā kaunihera ā-rohe** e tētahi heamana me te whakarite i ngā take taiao 'tirohanga whanui' mō te rohe whānui pērā i te kounga hau, mauri o te wai, te ora o ngā roto, ngā awa, me ngā wāhi takutai, me te patu kīrea. Kei runga i a rātou ngā whakahaere tūnuku tūmatanui me tētahi wāhi hira mō te whakamahere tūnuku. 11 ngā kaunihera ā-rohe.

**E arahina ana ngā kaunihera tāone nui, ā-takiwā hoki** e ngā kahika me te whakarato i ngā ratonga me ngā whakaurunga o ia rā mō tō hāpori, pērā i ngā rori, te kohi para, ngā whare pukapuka me ngā pāka. Ka whakatau rātou ki hea, me pēhea hoki te whakatū whare noho hou, ngā pakihī me ngā tūāhanga. E 67 ngā kaunihera tāone nui, ā-takiwā hoki.

Hei tauira, mēnā e noho ana koe i Kaiapoi, ko ō kaunihera e rua ko Canterbury Regional Council me Waimakariri District Council. Kei raro ia kaunihera i ōna anō māngai kaunihera ka pōtīhia, ā, e whakahaerehia ana e ōna anō tumu whakahaere, me ōna kaimahi hei mahi i ngā mahi. Ka whakatauhia e ngā kaunihera e rua ngā ture mō tō takiwā e whakaawe ana he aha ngā mahi ka taea e te tangata me ngā pakihī (hei tauira, ki hea koe hanga ai, ā, me pēhea te hanga).

## He aha te take me whakarerekē ngā whakahaere?

---

E rua ngā mea i tahuri ai te Kāwanatanga ki te hanga i tēnei kaupapa marohi.

Tuatahi, he uaua, he rangirua, he nui te utu o te whai i ngā momo kaunihera e rua e mahi ana i te takiwā kotahi. Hei tauira:

- Ahakoa ka mōhio pea koe ki tō kahika, kei te mōhio anō koe ko wai te heamana o tō kaunihera ā-rohe?
- Kua rongo mātou i te uaua mō ētahi kaunihera ki te rapu kaimahi hira nā te whakataetae mō aua pūkenga ōrite i te takiwā kotahi. Hei tauira, kei roto pea i ētahi rohe ko ngā kaitiaki pāka a Te Papa Atawhai, ngā kaitiaki pāka a te kaunihera ā-rohe, me ngā kaitiaki pāka a te kaunihera tāone nui/ā-takiwā.
- Ehara i te mea he pai te mahi tahi a ngā kaunihera i ngā wā katoa – kei reira ngā tauira o ā rāua tohetohe ki ā rāua anō ture, whakatau hoki i roto i te kōti.
- Ka mate ētahi kaupapa ki te rapu whakaae mai i ngā kaunihera e rua, neke atu rānei mō te kaupapa kotahi, ā, he whakauaua, he whakarangirua pea tērā.

Tuarua, kei te whakaaro mō te anamata. Ka huria e te whakahaere rawa a te Kāwanatanga me ētahi atu panonitanga (pērā i te whakahou i ngā ratonga wai me te urutaunga āhuarangi) i te āhua o te mahi a ngā kaunihera ā tōna wā. Mā te whakahou i te whakahaere rawa ka taurite ake ngā mahi i roto i ngā kaunihera ā-rohe. He nui ake ngā mahi ka taea noatia, me te whakaiti i ngā mahi whakamahere me te tuku whakaae a ngā kaunihera. Kua puta hoki i te Kāwanatanga ngā mahere kia riro māna anō e mahi ētahi mahi a ngā kaunihera ā-rohe i roto i te pūnaha whakahaere rawa hou (hei taura, he kaiwhakarite tautuku ā-motu).

E tohu ana ēnei take e rua koinei te wā pai he arotake i te āhua o ngā mahi a ngā kaunihera kia rapua ngā tikanga pai ake mō te mahi i ngā mahi.

### **He aha ō whakaaro?**

Kei te whakaae koe ki te take me whakamāmā te kāwanatanga ā-rohe?

He aha ō whakaaro mō te aronga whānui e marohitia ana?

## **He aha te mea e marohitia ana?**

---

Kua hangaia e te Kāwanatanga tētahi kaupapa marohi kia māmā ake, kia kakama ake, kia whai hua ake te kāwanatanga ā-rohe.

### **Upane tuatahi**

Kia noho ko ngā kahika (tētahi atu māngai kaunihera tāone nui, ā-takiwā rānei) ka pōtihia e koe kia noho ki tētahi poari hei māngai mō te rohe. Nā tēnei 'poari takiwā tōpū', te 'CTB' rānei kua kore e hiahiatia ngā māngai kaunihera ā-rohe motuhake, nō reira ka whakakorehia tēnei. Ko ētahi atu kōwhiringa ko te whakauru mai i tētahi Kaikōmihana Karauna ki te CTB (mā te nuinga o ngā pōti, te mana aukati, tētahi tūranga kaitiro tiro anake rānei), te whakakapi rānei i ngā māngai kaunihera ki ngā Kaikōmihana Karauna mō te wā poto.

### **Upane tuarua**

Ko te upane tuarua kia whakahautia ngā kahika o te CTB (Kaikōmihana Karauna rānei) ki te arotake i te āhua o te mahi tahi a ō kaunihera me te whakarite i tētahi mahere kia tōtika ake te whakarato i ngā ratonga mōu me tō rohe.

Ka whakawhānuitia ēnei upane e rua i roto i tēnei tuhinga.

# Wāhanga B: Te whakamāmā i te kāwanatanga ā-rohe

## Kia mahi tahi ngā kahika mō te painga o tō rohe

---

### Ka aha?

E arahina ana ngā kaunihera whakatōpū e ngā kahika. I raro i tēnei kaupapa marohi, ka noho ngā kahika o tētahi rohe ki te poari mana whakahaere me te whakatau take mō ngā kaupapa e pā ana ki te rohe whānui.

E kīia ana tēnei poari kahika ko te 'poari takiwā tōpū' (combined territories board, te COB rānei). Ka riro mā te CTB e whakatau i ngā take kei ngā māngai kaunihera ā-rohe i tēnei wā.

Arā, kua kore koe e whai i ngā māngai kaunihera motuhake e rua ka pōtīhia mō te wāhi kotahi. Ka riro mā te CTB ngā mahi me ngā here katoa a ngā kaunihera ā-rohe kia oti rā anō te upane 2.

Kei te Āpitianga A te rārangi o ngā whakarōpūtanga CTB me ngā kaunihera kei roto.

### He aha ai?

Ka whakamāmā tēnei i te kāwanatanga ā-rohe i tō rohe, ā, kāore e riro tō mana mō ō rawa hāpori me ngā whakatau hira – mā tō kahika e whakaputa i ēnei whakaaro ki te CTB.

Mā te whakamāmā i te mana whakahaere i te taumata ā-rohe, ko te tikanga ka hāngai ake ngā whakatau. Ka mārama ake te mōhio kei a wai tēnā mahi me tēnā mahi.

I te wāhanga upane 2 o tēnei kaupapa marohi, ka arotahi ngā CTB ki te hanga mahere e hāpai ana kia pai ake te tuku i ngā ratonga, ā, kia whai hua ake mō ngā rohe.

### He pēhea?

Ka riro i te CTB te **mana whakahaere o ngā mahi katoa a ngā kaunihera ā-rohe**, pērā i te:

- whakahaere i ngā awa, ngā roto, te takiwā moana, me te kōunga hau
- whakahaere i ngā rawa a ngā kaunihera ā-rohe
- whakatinana i ngā kawenga whakataunga Tiriti e whakahaerehia ana e te kaunihera ā-rohe
- whakamahere tūnuku ā-rohe
- whakahaere i te whakamaru ohotata
- whakahaere i ngā ture taiao me te whakahaere rawa

Ka auau ngā hui a ngā CTB, pērā i tētahi hui kaunihera. Me mātua ū ngā whakataua ki ngā ture kei raro ngā kaunihera ā-rohe, pērā i te kōrerorero tahi ki ngā hāpori, te whai whakaaro ki ngā pānga taiao, me te ū ki ētahi atu herenga ā-ture.

### **Ka noho tūturu ngā CTB?**

Kei ngā kaunihera ake o te rohe mō tērā. Kei roto i te Wāhanga C o tēnei tuinga te roanga o ngā kōrero.

### **He pēhea ake nei te mahi a ngā CTB?**

Mā ngā CTB e whakataua ngā take mō te painga o te rohe (kaua mō te hāpori noa iho), pērā i ngā kaunihera ā-rohe i tēnei wā. Ka noho tonu ngā mahi a ngā kaunihera ā-rohe mō tēnei wā.

Ka taea e ngā CTB te whakatū komiti pērā tonu ināianei. Ka taea te tohu ngā māngai kaunihera tāone nui, ā-takiwā hoki ki ngā komiti e tō rātou kahika, hei māngai. Mā tēnei ka āwhina ki te wehewehe i ngā mahi i waenga i te kahika me ētahi atu māngai kaunihera.

Ka noho tonu ngā komiti i whakatūria i raro i tētahi whakataunga Tiriti.

Ka utua ngā māngai kaunihera ā-rohe ki te taumata i whakatauhia motuhaketia e te Mana Tuku Utu. Ka pērā anō ngā mema CTB me ngā māngai (ka whakarerekēhia te hātepe ina tika ana).

### **Ka pēhea ngā kōwhiringa kē atu mō ngā whakataua take ā-rohe?**

Ko te CTB te kōwhiringa e manakohia ana e mātou engari kei reira anō ētahi atu. Ka taea te tohu he Kaikōmihana Karauna ki te CTB i te taha o ngā kahika. Mā tēnei ka mātua whai whakaarohia te pānga ki te motu i roto i ngā whakataua ā-rohe.

Ko ētahi kōwhiringa pea ki te Kaikōmihana Karauna:

- kāore he pōti – ka whakauru atu te Kaikōmihana Karauna ki ngā kōrerorero engari kua ki ngā whakataua whakamutunga
- te mana aukati – kei te Kaikōmihana Karauna te mana aukati i ngā whakataua a te CTB mēnā ki ōna whakaaro mō te painga o Niu Tireni whānui
- te nuinga o ngā pōti – ka riro i te Kaikōmihana Karauna te nuinga o ngā pōti ki te CTB (nui atu i te 50% o ngā pōti). Ko te toenga o ngā pōti ka tohaina ki ngā kahika e ai ki te kōwhiringa e manakohia ana e mātou. Mā tēnei ka whakarite ka ū ngā whakataua mō te painga o Niu Tireni, kua ko te rohe anake

Ko tētahi atu ko te tohu i ngā Kaikōmihana Karauna hei whakakapi i ngā māngai kaunihera ā-rohe. Ka tohua ngā Kaikōmihana Karauna e te Kāwanatanga hei whakahaere i ngā kaunihera ā-rohe mō te wā poto me te whakarite i te mahere whakatikatika ā-rohe.

## He aha ō whakaaro?

Kei te whakaae koe kia whakakapi te CTB i ngā māngai kaunihera ā-rohe?

He aha ngā mea pai a koe, kāore i te pai rānei mō te kaupapa whakakapi i ngā māngai kaunihera ā-rohe ki tētahi CTB?

He aha te taumata pai ki a koe o te whakauru mai o te Karauna ki ngā whakatau ā-rohe?

- Kore – ko ngā kahika anake ki te CTB
- Kaikōmihana Karauna anake (kore-pōti)
- Kaikōmihana Karauna (mana aukati)
- Kaikōmihana Karauna (te nuinga o ngā pōti)
- Ngā Kaikōmihana Karauna kua te CTB.

## Te tuku mana pōti i runga i te CTB

---

### Ka ahatia ngā whakaritenga pōti i runga i te CTB?

I tēnei wā, kei te takiwā o te 20,000 ngā tāngata e whakakanohitia ana e ia māngai kaunihera ā-rohe nō reira kotahi te pōti ki tēnā, ki tēnā ina whakatau take ā-rohe. I raro i te kōwhiringa e manakohia ana e mātou (ngā CTB), ka pōti ngā kahika.

He uua te whakarite e hia ngā pōti ka whiwhi i te kahika. E rua ngā kōwhiringa matua, engari kei reira ngā raru mō ngā mea e rua:

- **Kotahi te Kahika, Kotahi te Pōti:** Kotahi te pōti ka whiwhi ia kahika. He māmā tēnei engari ka whakaiti i te ōwehenga o ngā kaipōti. Ka ōrite te mana o ngā kahika o ngā tāone iti e whakakanohi ana i ngā taupori iti ake ki ngā kahika o ngā tāone nui rahi ake, e nui ake te mana o te taupori iti ake ki te tokomaha.
- **Taupori Tūturu:** Ka ōrite te pōti o te kahika ki te nui o te taupori o tōna tāone nui, takiwā rānei. Koinei te mea tino hāngai ki ngā mātāpono manapori engari ko te mea ka taea pea e ngā kahika o te tāone nui rawa te pēhi ngā whakatau ā-rohe.

Kei roto i te Āpitianga B o tēnei tuhinga tētahi rangahau whakapūaho e whakaatu ana i ngā raru o ia tauira.

### He aha tāu e marohi ana?

E whakatakoto ana mātou i te maha o ngā pōti me whiwhi te kahika:

- kia whakaata i te taupori e whakakanohitia ana e ia, **engari**
- ka whakatikahia e te Mana Kāwanatanga ā-Rohe kia ōrite ai te whai kanohi a ngā hapori.

He tari motuhake te Mana Kāwanatanga ā-Rohe wehe kē i te Kāwanatanga. Kei te whakamahia kētia te mātāpono o te 'whai kanohitanga whaikiko' e ngā mana ā-rohe ina arotake ana i te whai kanohitanga.

### **He aha te tikanga o te whai kanohitanga whaikiko?**

Ko te tikanga o te whai kanohitanga whaikiko kia whai reo ngā hapori katoa i roto i ngā whakatau ā-rohe.

### **Ka pēhea te whakatautika a te Mana Kāwanatanga ā-Rohe i te whai kanohitanga whaikiko me te nui o te taupori?**

Kei te whiriwhiria e te Kāwanatanga ngā kōwhiringa hei whakatautika i te nui o te taupori mō te āhukatanga ki ngā CTB.

Ko te kōwhiringa tuatahi kia waiho mā te Mana Kāwanatanga ā-Rohe hei whakatau me pēhea te whakatautika. Mā tēnei ka whānui te awhe o te Mana Kāwanatanga ā-Rohe kia whai whakaaro ki te ahureitanga o ngā rohe me ngā hapori kanorau o Niu Tireni, me te whiriwhiri i ngā otinga auaha. Ko te raru o tērā kua kore e mōhio ngā hapori e hia nui o ngā pōti ka whiwhi i ō rātou kahika kia oti rā anō i te Mana Kāwanatanga ā-Rohe ana mahi.

Ko aronga tuarua ko te tuku i ngā whāinga ā-ture tauwhāiti me ngā paearu ki te Mana Kāwanatanga ā-Rohe hei ārahi i ana whakatau. I raro i tēnei, me kimi te Mana Kāwanatanga ā-Rohe i te tino tautika pai i waenga i ngā whāinga rerekē ina tohatoha ana i ngā pōti i waenga i ngā kahika o te CTB. Kei te tūtohi i raro ko ngā whāinga hukihuki e whiriwhiria ana.

<b>Whāinga</b>	<b>Whakaahuatanga</b>
<b>Te tūturutanga o te manapori</b>	Ko te mātāpono tēnei o te "kotahi te tangata, kotahi te pōti". Me mātua whakamana te pūnaha he rerekē te mana manapori o te kahika e 500,000 tāngata tōna taupori ki te kahika e 5,000 tāngata tōna nui.
<b>Whai kanohitanga whaikiko</b>	Me mātua whiriwhiri te pūnaha me pēhea te whakakanohi me te tiaki i ngā hapori motuhake rerekē i roto i te rohe, tae atu ki ērā he iti iho ngā taupori, he ahurei rānei ngā āhukatanga tāone, tapa tāone, me te tuawhenua, ā, me pēhea e tōtika ai te hāpai i ngā whakatau take.
<b>Mana whakahaere whaikiko</b>	He pūrangiaho, he mārama te pūnaha whakamutunga, ka mutu he takawaenga i ngā whakatau take me te whakakotahi i te whakaaro kua te hāpai i te aukatitanga.

## Ka hāngai tēnei ki ngā whakatau katoa?

Kāo, me uru mai ētahi atu ki ētahi whakatau take i te taumata ā-rohe. Hei tauira, kei roto i te whakamahere tūnuku ā-rohe ko te kaunihera ā-rohe, ngā kaunihera tāone nui, ā-takiwā hoki, me Waka Kotahi. Mā tēnei ka noho tautika ngā pānga o te tāone, te tuawhenua me te motu.

Pērā i te whakamahere tūnuku, kei te whakaritea he aronga whakatau take motuhake mō te pūnaha whakahaere rawa hou. Mā tēnei anga whakatau take ka whakarite he kaha te mana whakahaere ā-rohe o ngā rawa tōpū (pērā i te wai māori) e whakaata ana i te tautika o ngā pānga puta noa i ngā hāpori tuawhenua me ngā hāpori tuawhenua. Ko tā te Kāwanatanga e whakatakoto ana, ina oti ētahi whakatau whakahaere rawa, ka āhua rerekē ngā mema o te CTB, ā, ka mana ko tētahi hātepe pōti whai here takirua. Ka mana anake he whakataunga mēnā:

- Ko ngā mema CTB he nui atu tō rātou taupori i te 50% kei te tautoko i te whakataunga, ā,
- He nui atu i te 50% ngā mema CTB whai mana pōti mō ngā whakatau mō ngā upoko mahere mokowā, ngā upoko mahere taiao, kei te tautoko i te whakataunga.

He mōhiohio atu anō mō ngā hātepe whakatau take e marohitia ana mō ētahi whakatau whakahaere rawa kei te Āpitianga C.

### He aha ō whakaaro?

Kei te whakaae koe me whai pōti ōwhehenga hāngai ngā kahika o te CTB mō te whai kanohitanga whaikiko?

He aha ngā mea pai ki a koe, kāore i te pai rānei, mō te kaupapa pōti e marohitia ana mō te CTB?

## Ngā take whitiwhiti paenga rohe

---

### He aha tēnei take?

Kei roto te nuinga o te kaunihera ā-takiwā, tāone nui hoki i te rohe kotahi. He iti nō ngā takiwā e whiti atu ō rātou takiwā ki waenga i ngā rohe e rua, nui atu rānei, e ai ki te tūtohi i raro.

### Ka pēhea te whai whakaaro a te kaupapa marohi ki ngā take whitiwhiti paenga rohe?

Ko te whakaaro ka noho ngā kahika o aua takiwā ki te CTB mō te rohe kei reira te nuinga o te taupori o te takiwā e noho ana. Engari me whai kanohitanga anō ngā taupori tūhāhā (ko ngā

tāngata e noho ana i tētahi rohe wehe kē i te nuinga o te taupori o tō rātou takiwā). Ka whai pānga ngā whakataua a te CTB mō tō rātou rohe ki a rātou anō.

Kei roto i te tūtohi i raro ko aua takiwā kei roto tōna taupori i te rohe nui atu i te kotahi. Me whakataua te Kāwanatanga me pēhea te whakakanohi i ēnei tāngata i roto i ngā whakataua a te CTB.

Takiwā	Ngā rohe me ngā taupori āwhiwhi	
<b>Rotorua</b>	Toi Moana	72,000
	Waikato	3,900
<b>Rangitikei</b>	Manawatū-Whanganui	15,600
	Te Matau-a-Māui	Iti iho i te 50
<b>Whakaahurangi</b>	Taranaki	10,000
	Manawatū-Whanganui	Iti iho i te 200
<b>Tararua</b>	Manawatū-Whanganui	18,700
	Te Whanganui-a-Tara	Iti iho i te 10
<b>Taupō</b>	Waikato	38,000
	Toi Moana	Iti iho i te 150
	Te Matau-a-Māui	Iti iho i te 100
	Manawatū-Whanganui	Kāore he taupori
<b>Waitaki</b>	Ōtākou	21,600
	Waitaha	1,900
<b>Waitomo</b>	Waikato	9,500
	Manawatū-Whanganui	Iti iho i te 50

### He aha tāu e marohi ana?

Ehara tēnei i te whakarerekē i ngā rohenga o te rohe, o te takiwā rānei. Mō te taha ki te whakahou i te kāwanatanga ā-rohe me te whakahou i te whakahara rawa, me waiho ērā whakataua mā ngā hāpori hei whakataua (tirohia te wāhanga C: te whakapai ake i te kāwanatanga ā-rohe).

Engari, e whakatakoto kē ana te Kāwanatanga kia whakakanohitia ngā taupori tūhāhā mā tētahi o ēnei āhuatanga e rua.

- **Te whakauru ki te takiwā:** Ka whakaurua atu tētahi taupori tūhāhā ki tētahi takiwā pātata. Ka whai mana pōti anō te kahika o taua takiwā mō te taha ki taua hāpori kua

whakaurua mai. Ahakoa kāore e taea e ngā taupori tūhāhā te pōti i tēnei wā mō te kahika mō rātou ki te CTB, kei te whiriwhiri te Kāwanatanga mēnā me whakaae tēnei.

- **Te whai kanohitanga tāpiri:** Ka whakakanohitia te takiwā me ngā taupori tūhāhā ki ngā CTB katoa i tōna takiwā e hāngai ana ki tēnei. He ōwehenga pōti tōna e rite ana ki ngā wāhi o tōna takiwā kei roto i taua rohe. Engari ehara pea ko te kahika, ko tētahi māngai kaunihera o te takiwā kei runga i te CTB mō ngā pānga o ngā taupori tūhāhā.

E whakaata ana ngā aronga rerekē i ngā hiahia rerekē o ngā taupori tūhāhā o ngā rahinga rerekē.

Hei whakatau ko tēhea te aronga ka whakamahia:

- ka whakatauhia e te Mana Kāwanatanga ā-Rohe ko tēhea te tino aronga mō ia taupori tūhāhā (i roto i ana mahi whiriwhiri i te mana pōti), **tērā rānei**
- ka whakatauhia he pae hei whakarite mō āhea whakamahi ai ia aronga. Hei tauira, mēnā he iti iho ngā taupori i te 1,000 ka taea te whakauru mai e te takiwā kei reira te rātou, ā, mēnā he nui atu i te 1,000 kainoho ka whiwhi māngai atu anō.

### **He aha ō whakaaro?**

He aha ō whakaaro mō ngā tikanga whakakanohi e pā ana ki ngā hapori e whiti ana i ngā rohenga ā-rohe?

# Wāhanga C: Te whakapai ake i te kāwanatanga ā-rohe

## Te whakapai ake i te ahua o te mahi tahi a ngā kaunihera i tō rohe

---

### **Ka aha?**

I raro i te kōwhiringa e manakohia ana e te Kāwanatanga, ka tonoa ia CTB ki te whakarite i tētahi mahere whakatikatika ā-rohe i roto i te rua tau o te whakatūtanga. Kei roto i ngā mahere whakatikatika ā-rohe ko ngā mahere me pēhea te whakapai ake i te āhua o te whakarato a ō kaunihera i ngā ratonga mahi ā tōna wā. Ka taea hoki tēnei mahere te tuku e tētahi atu hinonga mana whakahaere ā-rohe kē.

*Ka hangaia ngā mahere hei whakautu i te pātai: "He aha te āhuatanga pai rawa e mahi tahi ai ngā kaunihera i tōku rohe ki te tuku i ngā ratonga me ngā mahi kia tōtika, kia kakama i tēnei rohe?"*

I mua i te here i ngā CTB ki te mahi i ā rātou mahere whakatikatika ā-rohe, ka arotakehia e te Kāwanatanga ngā mahi kaunihera ā-rohe kia kite ai mēnā me tuku ētahi mahi ki tētahi atu tari, ki tētahi atu tauira whakarato rānei (hei tauira, mēnā e hiahiatia ana kia hāngai ki te motu), kua kore rānei e hiahiatia ana. Ka ārahi ngā otinga o tēnei arotake i ngā whakatau anamata me te āwhina i ngā CTB ki te whakarite i ana mahere ā-rohe.

### **Ka ahatia te CTB? Mō te wā poto te whai wāhi mai?**

Ka whakatakotohia e ngā mahere whakatikatika ā-rohe ka ahatia te CTB ake. Kei roto i ngā kōwhiringa ko te pupuri, te whakamoe, te whakarerekē rānei i te CTB. Mō te kōwhiringa e manakohia ana, kei te rohe mō tēnā me ngā whakaritenga hoki mō ētahi atu kaunihera. Hei tauira, ko te rohe e waru ōna kaunihera tāone nui/ā-takiwā me tētahi kaunihera ā-rohe ka taea te wehe ki ngā kaunihera whakatōpū e rua, ā, kāore he CTB i runga ake.

Mēnā ka tohua ngā Kaikōmihana Karauna, ka noho ērā mō te wā poto. Ka noho tonu ngā Kaikōmihana Karauna kia oti rā anō te mahere whakatikatika ā-rohe. Ka herea ngā Kaikōmihana Karauna ki te mahi tahi me ngā kaunihera o te rohe ki te waihanga i ngā mahere whakatikatika ā-rohe.

### **He aha te kaupapa o ngā mahere whakatikatika ā-rohe?**

Ko te kaupapa o ngā mahere whakatikatika ā-rohe he:

- whakatenatena i ngā kaunihera katoa o tō rohe kia mahi tahi ki te whakaiti te tāruatanga me te whakapai ake i te kakama o ngā whakahaere

- whakapūmau i te reo me te tuakiri o te hāpori ki te wāhi e tika ana
- whakarite ka tika te whakarato i ngā ratonga kia hāngai ki ngā hiahia o te rohe
- tuku i tētahi hātepe raupapa, pūrangiaho mō te whakahou.

### **He aha kei roto i tētahi ngā mahere whakatikatika ā-rohe?**

I raro i te kaupapa marohi, he whānui, he ngāwari ngā mahere whakatikatika ā-rohe kia taea ai e ngā CTB te urutau ki tōna rohe. Kei tōna iho, me:

- whakatakoto i ngā mahi katoa puta noa i ngā kaunihera o te rohe me te arotake kei te pēhea te mahi tahi me ngā arawātea kia pai ake. Ina tika ana, ka tiro tiro pea ngā CTB ki ētahi mahi ake puta noa i ngā rohe nui atu i te kotahi (me tētahi atu CTB), i roto rānei i te rohe (ina tika ana)
- whakatakoto i ngā kōwhiringa mō te whakarato ā tōna wā, pērā i te:
  - te tuari i ngā ratonga hei penapena moni (hei tauira, mā tētahi kaunihera e mahi i ngā mahi tari katoa, pērā i te taha ture, pūmanawa tangata me te IT)
  - waihanga whakahaere a ngā kaunihera kia ōrite te whiwhi ratonga a ngā tāngata katoa o te rohe (hei tauira, he rerekē ngā ture o ngā kaunihera noho tata mō te kōhi para kāinga, he rangirua tēnei, he nui hoki te utu. Engari, ka taea te hanga tētahi kamupene hou i raro i te kaunihera hei whakahaere i tēnei ratonga mō te rohe katoa)
  - whakakotahi i tētahi kaunihera ('whakatōpū') kotahi, neke atu rānei mō te rohe (ētahi wāhanga rānei)
  - hanga āhuatanga mō te hāpori ki te tuku whakaaro ki ngā whakatau (hei tauira, te whakamana i ngā rōpū hāpori kia nui atu te whakatau take mō ngā pāka, ngā mahi ā-rēhia rānei).
- whiriwhiri i ngā pānga pea ki ngā utu, te kōunga ratonga, me te whai kanohitanga o ngā rōpū rerekē o te rohe
- mahi tahi me ngā rūnanga o ngā iwi e pā ana ki ngā whakaritenga o ngā whakataunga Tiriti hāngai
- whakatakoto i tētahi mahere pūtea me tētahi mahere whakatikatika ā-rohe.

Ka kōrerorero tahi ngā CRB ki te iwi whānui, ngā iwi/te hunga Māori, me te hunga whai pānga o te rohe mō tētahi mahere whakatikatika ā-rohe hukihuki.

Kei te whiriwhiri te Kāwanatanga mēnā me whai kōwhiringa hou te ture kia taea ai e ngā hāpori te whakatau take mō ngā take o te rohe – pērā i ngā whare pukapuka, ngā hōpua kaukau, me ētahi atu whakanōhanga. I tēnei wā tonu, ko ngā whakaurunga pea ko ngā poari hāpori me ngā poari ā-takiwā. Ko ngā kōwhiringa ka taea pea e ngā CTB te whakatakoto atu ki roto i tāna mahere whakatikatika ā-rohe.

## Ka aha i muri i ngā whakawhitiwhiti kōrero?

Ka whakahoutia e te CTB o tō rohe te mahere whakatikatika ā-rohe e ai ki ngā whakaaro o te hāpori. Ka tukuna ngā mahere whakatikatika ā-rohe ki te Minita Kāwanatanga ā-Rohe (te Minita). Ka whiwhi te Minita i ngā tohutohu motuhake mai i te Mana Kāwanatanga ā-Rohe mō ngā mahere whakatikatika ā-rohe. Ka arotakengia e te Mana Kāwanatanga ā-Rohe ia mahere whakatikatika ā-rohe ki te paearu ā-ture kei roto i te tūtohi i raro.

Ka tukuna e te Mana Kāwanatanga ā-Rohe tētahi tūtohutanga ki te Minita mō te kounga o te mahere, me pēhea te whakapai ake, ā, mēnā kei te tautika i waenga i te paearu. Ka taea e te Minita te:

- whakaae te mahere
- tuku whakaaro mō te mahere, me te tono kia whakarerekēhia
- whakarerekē i te mahere
- tohu Kaikōmihana hei hanga i tētahi mahere hukihuki (ki te kore e puta i te CTB he mahere pakari).

Ina whakaaetia te mahere, ka mana te whakatau, ā, ka tīmata ki te whakatinana.

## Te paearu mō ngā mahere whakatikatika ā-rohe

Me mātua whakaatu ngā mahere whakatikatika ā-rohe he pēhea te ū a ngā whakarerekētanga e marohitia ana ki te paearu kei roto i te tūtohi i raro. Ka ārahi ēnei paearu i te arotake a te Mana Kāwanatanga ā-Rohe me te Minita Kāwanatanga ā-Rohe. Ka taea whakaputa ngā tohutohu atu anō mā ngā kaunihera hei tautoko kia mārāma ai ki ēnei paearu.

Paearu mō te mahere whakatikatika ā-rohe		
Ngā paearu	Ko te mahere he...	Tauira
Hāngai ki te tirohanga whānui	...tautoko i ngā kaupapa matua, ngā rautaki me ngā whāinga ā-motu (pērā i ngā whare noho, tūāhanga, me ngā whakatakotoranga pakihi whakataetae)?	E whakaae ana ngā kaunihera katoa o te rohe ki te whakatū i tētahi 'wāhi kotahi' mō ngā whakaaetanga e tautoko ana i te tūāhanga me ngā whare noho.
He utu ngāwari ināiane me āpōpō	...tuku whakaritenga tōtika ā-pūtea hei whakahaere i te pikitanga o ngā reiti me te tautoko ki te whakahaere i ngā rawa (hei tauira, te whakakapi i ngā paipa i mua i te pakarutanga)?	Ka whakakotahitia ngā kaunihera iti e rua kia kotahi, kia nui ake ai ana rawa me tōna kaha. Mā tēnei ka taea pea te mino moni mā te utu iti iho hei whakakapi i tētahi piriti

## Paearu mō te mahere whakatikatika ā-rohe

Ngā paearu	Ko te mahere he...	Tauira
Ngā ratonga pai ake	...te whakaraupapa anō i ngā ratonga o te rohe kia pai ake ai te mahi, ā, kia iti iho te utu?	haumarukore, ki te kore tēnei kua kore taea e taea te utu.  Ka whakatūria e ngā kaunihera katoa tētahi tari mahi rori ā-rohe hou he nui ake tōna mana ki te tauhokohoko me ngā kamupene hanga rori ā-motu nunui ina whakariterite ana i ngā kirimana.
He mārama te kaiārahi	...he whakarārangi he aha te mahi a tēnā, a tēnā, ā, kei a wai te haepapa puta noa i ngā kaunihera?	Mā te whakakotahi i ngā kaunihera tino iti kia kotahi kia nui ake ai te reo o te kahika e whakakanohi ana i te takiwā ki te kāwanatanga.
Te reo o te hapori	...ka oti ngā whakatau i te taumata hapori tika? Ka whakakanohi tika me te whaikiko te mahere i ngā hapori whai pānga?	Ka whakakotahi ngā kaunihera tino iti e rua engari ka whakaae kia whakatūria ngā rūnanga paekiritata e whai ana i ā rātou ake tahua mō ngā pāka, ngā whare pukapuka me ngā huihuinga.
Ngā whakaritenga Tiriti	...me whakaatu ka pēhea te whakamana, te whakapai ake hoki/rānei i ngā herenga whakataunga Tiriti e whakahaerehia ana e ngā kaunihera me ētahi atu whakaaetanga me ngā iwi/Māori?	Ka noho tonu ngā whakaritenga mō ngā awa i whakaaetia i roto i ngā whakataunga Tiriti.
Ka taea?	...me whakauru tētahi mahere tōtika mō te whakatinana (hei tauira, me pēhea pea te neke i ngā kaimahi kaunihera)?	He rārangi hātepe mō te whakatū i te tari mahi rori ā-rohe hou.

### He aha te take me whakaae te Minita?

Mā te Minita Kāwanatanga ā-Rohe e whakatau i ngā take mō ngā mahere whakatikatika ā-rohe e ai ki ngā paearu ā-motu ōrite kei runga. Me whiriwhiri te Minita i ngā tohutohu motuhake mai i te Mana Kāwanatanga ā-Rohe i mua i te tuku whakatau. Mā tēnei ka tōkeke

te āta tiroiro mēnā kei te ū ngā mahere ki ngā whakaritenga ā-ture mō te kakama, te whai kanohitanga, me te ū ki te Tiriti.

Ko te mea nui, kāore e tohipa te whakaae a te Minita i ngā whakaaro o te hapori. E herea ana kia kōrerorero tahi te CTB ki te iwi whānui i mua i te whakatau i tētahi mahere.

Ko te ara i tua i tēnei ko te whakatū i tētahi tāpaetanga pōti. He pōturi rawa, ā, he nui rawa te utu o tēnei hātepe. I te nuinga o te wā he iti noa ngā kaipōti ka whakauru ki te tāpaetanga pōti, ka mutu he tautoko kē kia noho te āhuatanga onāiane. Arā, he tokoiti noa te hunga o te rohe ka whakatau i te take.

### **He aha ō whakaaro?**

Kei te tautoko koe i te kaupapa marohi kia herea ngā CTB ki te hanga i ngā mahere whakatikatika ā-rohe?

He aha ō whakaaro mō te paearu e marohitia ana mō te arotake i ngā mahere whakatikatika ā-rohe?

# Wāhanga D: Te Tiriti o Waitangi me te Whai Kanohitanga Māori

## Tirohanga whānui

---

Kua whiriwhiria e te Kāwanatanga te pānga o te kaupapa marohi ki ngā tika me ngā pānga o te Māori. He mea hanga te kaupapa marohi kia kua e whakaitia, e whakararua, e whakaawe rānei i ngā whakataunga Tiriti engari kei te rapu i ngā tūmomo whakaaro rerekē kia mātua mōhio ai kei te tika tēnei.

I raro i te kaupapa marohi, ka whiwhi ngā CTB i ngā tūranga, ngā mahi, me ngā here kei ngā kaunihera ā-rohe me ngā māngai kaunihera ā-rohe i tēnei wā. Mā tēnei ka mārama te whakauru i te wāhanga mō te kawae atu i ngā whakataunga Tiriti e here ana i tētahi kaunihera ā-rohe.

Ka haere tonu ngā whakaritenga onāiane mō te whakawhitiwhiti kōrero me te whai wāhi atu o te Māori, tae atu ki te:

- whai tūranga ki ngā komiti kaunihera
- whai wāhi ki ngā komiti ngātahi
- whakauru atu ki ngā hinonga ngātahi i raro i ngā whakataunga Tiriti, me te
- whai mema ki ngā rōpū tohutohu.

Waihoki, ka herea ngā CTB kia ū ki ngā wāhanga katoa onāiane o te Ture Kāwanatanga ā-Rohe 2002, hei tauira:

- te whakatū me te mau tonu ki ngā hātepe mō te Māori ki te whakauru whakaaro ki ngā whakatau take
- whakaū i ngā whai wāhitanga mō te kōrerorero tahi ki te Māori.

## Ngā pānga whānui ake

---

### Ngā Rohe Pōti Māori

I raro i te tauira e marohitia ana, kua kore ngā rohe pōti ā-rohe, tae atu ki ngā rohe pōti Māori me ngā rohe pōti whānui. Ko te take ka whakakapia ngā māngai kaunihera ā-rohe e ngā kahika o te rohe ka tohua hei mema ki te CTB.

E whakaata ana te rerekētanga ki te whakamāmātanga whānui o te mana whakahaere ā-rohe. Ka whakakanohi te kahika o te kaunihera tāone nui, ā-takiwā rānei i ngā kaipōti o ngā rārangi Māori me ngā rārangi whānui.

## Ngā Ture ā-Rohe e hāngai ana ki te whai kanohitanga Māori

E rua ngā kaunihera ā-rohe he tauwhāiti te ture mō te whai kanonitanga Māori:

- Bay of Plenty Regional Council (Māori Constituency Empowering) Act 2001. E herea ana e tēnei Ture kia whai rohe pōti a Toi Moana mō te pōti māngai kaunihera ā-rohe.
- Canterbury Regional Council (Ngāi Tahu Representation) Act 2022. Mā tēnei Ture ka taea e Te Rūnanga o Ngāi Tahu te tohu atu ki ngā mema e rua ki Canterbury Regional Council (Environment Canterbury) me ngā mana pōti tūturu.

He mea hanga ngā Ture e rua mō tētahi tauira mana whakahaere kei roto ko ngā māngai kaunihera ā-rohe ka pōtihia. I raro i te kaupapa marohi, kāore he māngai kaunihera ā-rohe. E whakaata ana te rerekētanga ki te whakamāmātanga whānui o te mana whakahaere ā-rohe. Ka whakakanohi te kahika o te kaunihera tāone nui, ā-takiwā rānei i ngā kaipōti o ngā rārangi Māori me ngā rārangi whānui. Ka taea tonu e ngā kaunihera whakatōpū o te CTB te whiriwhiri tonu mēnā me whakatakoto kia whai kanohi te Māori mō ō rātou hapori mā ngā rohe pōti Māori i te taumata kaunihera tāone nui, ā-takiwā rānei engari kua kore ngā rohe pōti ā-rohe.

### He aha ō whakaaro?

He aha ō whakaaro mō te āhua o te tiaki i ngā pānga ā-iwi/ā-Māori me ngā whakaritenga Tiriti?

# Āpitianga A: He rārangi o ngā kaunihera whakatōpū e marohitia ana e te CTB

<b>Te Tai Tokerau (Northland)</b>	Far North District Council Kaipara District Council Whangarei District Council	<b>Te Pane Matua Taiao (Greater Wellington)</b>	Carterton District Council Kapiti Coast District Council Lower Hutt City Council Masterton District Council Porirua City Council South Wairarapa District Upper Hutt City Council Wellington City Council
<b>Waikato</b>	Hamilton City Council Hauraki District Council Matamata-Piako District Council Ōtorohanga District Council South Waikato District Council Taupo District Council* Thames-Coromandel District Council Waikato District Council Waipa District Council Waitomo District Council*	<b>Te Tai Poutini (West Coast)</b>	Buller District Council Grey District Council Westland District Council
<b>Toi Moana (Bay of Plenty)</b>	Kawerau District Council Ōpōtiki District Council Rotorua Lakes Council* Tauranga City Council Whakatane District Council Western Bay of Plenty District Council	<b>Waitaha (Canterbury)</b>	Ashburton District Council Christchurch City Council Hurunui District Council Kaikoura District Council Mackenzie District Council Selwyn District Council Timaru District Council Waimakariri District Council Waimate District Council
<b>Taranaki</b>	New Plymouth District Council South Taranaki District Council Stratford District Council*	<b>Ōtākou (Otago)</b>	Central Otago District Council Clutha District Council Dunedin City Council Queenstown Lakes District Council Waitaki District Council*
<b>Te Matau-a-Māui (Hawke's Bay)</b>	Central Hawke's Bay District Council Hastings District Council Napier City Council Wairoa District Council	<b>Murihiku (Southland)</b>	Gore District Council Invercargill City Council Southland District Council
<b>Manawatū-Whanganui</b>	Horowhenua District Council Manawatu District Council Palmerston North City Council Rangitikei District Council* Ruapehu District Council Tararua District Council* Whanganui District Council		

\* E tohu ana ka whai pānga te Kaunihera ki ngā take whitiwhiti paenga rohe (tirohia te Wāhanga B)

# Āpitianga B: Rangahau whakapūaho o te mana pōti

E whakaatu ana tēnei rangahau whakapūaho i ngā raru ka puta i ngā tauira pūnaha pōti e rua. Me pānui i te pūnaha pōti e marohitia ana kei ngā whārangi 14 ki te 16.

## Āhuatanga

---

Me whakaaro mō tētahi rohe e **5 ngā kahika** me te taupori o te **500,000 tāngata**.

- **Tāone Nui Whakahara:** 350,000 tāngata (Kahika A)
- **Tāone Wawaenga:** 100,000 tāngata (Kahika B)
- **Tāone Tuawhenua 1:** 25,000 tāngata (Kahika C)
- **Tāone Tuawhenua 2:** 15,000 tāngata (Kahika D)
- **Tāone Tuawhenua 3:** 10,000 tāngata (Kahika E)

## Tauira 1: "Kotahi te Kahika, Kotahi te Pōti"

---

I konei kotahi te pōti ka whiwhi ia kahika.

- **He pēhea te mahi:** E 5 ngā kahika, nō reira mā ngā pōti e 3 hei pāhi i tētahi mōtini.
- **Te Āhuatanga:** Kei te hiahia ngā tāone tuawhenua e toru (C, D, me E) ki te whakamahi i te tahua ā-rohe mō tētahi kaupapa e whai hua ki a rātou anake. Ko te whakaaro o ngā tāone nui e rua (A me B) he moumou moni.
- **Te Pōti:**
  - Tāone Nui Whakahara (350k): Ka Pōti **KĀO**
  - Tāone Wawaenga (100k): Ka Pōti **KĀO**
  - Tāone Tuawhenua 1 (25k): **Ka Pōti ĀE**
  - Tāone Tuawhenua 2 (15k): **Ka Pōti ĀE**
  - Tāone Tuawhenua 3 (10k): **Ka Pōti ĀE**
- **Te Otinga:** Ka **PĀHI**, te mōtini, **3 ngā pōti ki te 2**.

**He aha te take he raruraru tēnei?** E whakaatu ana ngā pōti "ĀE" i te tapeke tōpū **50,000 tāngata anake**. E whakaatu ana ngā pōti "KĀO" i te **450,000 tāngata**.

Mā tēnei pūnaha ka taea e whakakanohi ana i te **taupori o te 10% anake** hei whakawhere i ngā kahika e whakakanohi ana i tērā atu **90%**. Ahakoa ka herea ngā kahika katoa kia mahi mō te painga o te rohe whānui, kei reira anō te tūponotanga o ngā otinga tōkeke-kore.

## Tauira 2: Pōti "Taupori Tūturu"

---

I konei ka whirinaki te mana pōti o te kahika ki te kaupapa anake.

- **He pēhea te mahi:** Me whai tētahi mōtini i te 50% o te kaupapa kia pāhi ai.
  - Kei te Tāone Nui Whakahara (Kahika A) te **70%** o te pōti
  - Kei te Tāone Wawaenga (Kahika B) te **20%**.
  - Huihui katoa kei ngā tāone tuawhenua e 3 ko te **10%**.
- **Te Āhuatanga:** Kei te hiahia te Tāone Nui Whakahara ki te whakamahi i te tahua ā-rohe mō tētahi kaupapa ka whai hua ki ngā kainoho o te tāone nui. Kāore ērā atu o ngā kahika katoa (B, C, D, me te E) i te rata ki tērā whakaaro.
- **Te Pōti:**
  - Tāone Nui Whakahara (70%): **Ka Pōti ĀE**
  - Ērā Atu (30%): **Ka Pōti KĀO**
- **Te Otinga:** Ka **PĀHI**, te mōtini, **70% ki te 30%**.

### He aha te take he raruraru tēnei?

Ka whakaaro pea ngā hapori tuawhenua ka riro te pōti ki ngā pānga o te Tāone Nui Whakahara i ngā wā katoa, ā, ka noho ngoikore te mana o mō ngā pānga o ētahi atu hapori.

# Āpitianga C: Te Pōti mō Ngā Whakatau Whakahaere Rawa

Me whai ētahi whakatau whakahaere rawa i tētahi āhuatanga whakatau take kē atu (mai i ngā CTB) hei whakarite he pakari te mana whakahaere i ngā rawa tōpū (pērā i te wai māori) kāore i te wehewehe i waenga i ngā riu wai me te tautika i ngā pānga tāone me te tuawhenua.

I raro i te tauira e marohitia ana, ka tohaina ōwehetia ngā tika pōti i roto i ngā CTB e ai ki te taupori o ia kaunihera whakatōpū. Kātahi ka whakatikahia, whai muri i ngā tohutohu a te Mana Kāwanatanga ā-Rohe, kia mātua tōtika ai te whai kanohitanga o ngā hāpori.

Mō ētahi whakatau whakahaere rawa ake, me whai tūranga kaha ake mō ngā takiwā tuawhenua. Ko te take ka whai pānga ēnei whakatau ki ngā whenua me ngā hāpori tuawhenua i te nuinga o te wā, te whakamaru me te toha i ngā rawa wai, me te aukati waipuke puta noa i ngā whenua tāone me te tuawhenua.

Kua whakaae te Kāwanatanga ki te whakakapi i te Ture mō te Whakahaere Rawa 1991 mā ngā Ture hou e rua: te Mahere Whakamahere me te Ture Taiao Tūturu. Mō ēnei Ture ko ngā kaunihera ā-rohe me:

- whakauru ki te waihanga i tētahi **upoko mahere mokowā** rohe whānui o tētahi mahere ā-rohe tōpū, me te
- waihanga me te whakaae i tētahi **upoko mahere taiao tūturu** o tētahi mahere ā-rohe tōpū.

Ko te whakatau a ngā Minita ko ngā CTB, mēnā ka whakatūria, ka noho ko ērā ngā rōpū whakatau take mō ēnei tikanga whakamahere hou e rua.

Kua whakatau hoki ngā Minita ka taea e te Minita hāngai te tohu tētahi mema kotahi ki tētahi CTB mō ngā whakatau e pā ana ki ngā mahere mokowā, ngā mahere taiao tūturu hoki/rānei. Mā te Minita e whakarite mēnā ka whai mana pōti, kāore rānei, aua hunga ka tohua.

Otirā, kua whakatau ngā Minita ko ngā whakaritenga pōti ka whakamahia e ngā CTB hei whakatau take mō ēnei tikanga hou:

1. ko ngā mema CTB he nui atu tō rātou taupori i te 50% kei te tautoko i te whakataunga, a,
2. he nui atu i te 50% ngā mema CTB whai mana pōti mō ngā whakatau mō ngā upoko mahere mokowā, ngā upoko mahere taiao, kei te tautoko i te whakataunga.

Mā tēnei whakaritenga pōti upane-rua ka mātua whakaata aua whakatau i te nui o te taupori me ngā pānga whānui o te takiwā me te tuawhenua. He whakarite hoki ka whai 'reo' ngā pānga ā-motu me te whakaawe i ngā whakatau ina tika ana.